



978562

詩序

僕甫至粵訪士於涿州盧后山制軍制軍爲書南海裁才朱次

琦雅圭莊士也顧才氣無雙子聞而心數之已而代校此邦文

字茂才率爲舉首與鄉者制軍之言若契箭之呼而春牘之應

也竊喜老眼頗未昏瞶因介李繡子太史曾勉士學博求與交

其爲人偉瞻視嶷嶷然氣純以方其論說縱恣滂葩有量賈之

覈其詩無弗學亦無弗工往往於轉捩頓挫處得古大家神解

梁簡文有言斯文不墜必有英絕領袖之者其不在斯人與僕

行矣七十老公何所求粵中諸君子他日乘輶擁節豈無道鄙

人之門者復能守孟德雋雞之誓否茲之借鈔此卷慰長途操

先券也嘉興友人錢儀吉

朱九江先生集

詩序

卷首

卷首之四



朱九江先生集卷一

詩

與陳五二首

蒼兕嘯驚風浩然滿南山豈爲憑高力聲洪能自傳宛彼同舍  
子欲達無由緣夙夜亦勞止將意何拳拳襟抱各有適挽推良  
獨難孤蓬託吹噓驟入浮雲端浮雲無根蒂一墮卽深淵君子  
崇令名豎立靡所干

去者未可留來者未有涯茫茫造化運使我心傷悲朝才黃口  
出莫還華顛歸向所親植樹攬條皆十圍氣結不能言逝欲與  
俗辭洪喬不在世快惘終何之矯首望八荒孰是長年姿所願  
崇令名不朽以相貽

朱九江先生集

詩

宋一

過明二夜話追悼賁亨秀才

秀才赴試  
溺水死

颯沓愁雲墮古祠吟媛唳鶴有餘悲瑩篴樂府公無渡金錯佳  
人我所思何處招魂歸屈子可曾穿冢倘要離清才例使蛟龍  
得千載哀歌爲涕淚

懷廖二

熊光  
清遠縣

直北風聲勁平西日氣迷秋從雙峽老天入百蠻低異地容龍  
性前程信馬蹏行人例回首肯聽子規啼

造梁錫  
不值有題

橡葉鬱飛翻無人江上尊我攜邛竹杖訪爾桃花源  
涼雨不成滴荒雲流到門兩三松宛在倚徧更何言

讀史



破碎羣雄六駕回甲兵土木總爲災可憐一炬咸陽火不及詩  
書有劫灰

廿載深裁車服費百金終缺露臺工君王自惜中人產獨有銅  
山賜鄧通

長門宮怨久煩紆禍起泉鳩慘重誅聞道至尊慕黃帝不妨脫  
屣視妻孥

故劍關情竟亦忘拌留一青玷朝綱宋宏儻道無心語聞否糟  
糠不下堂

青芒驟乘久滋疑厚毒殲旃實隱私堪歎分封頰晉秩受恩卽  
是受夷時

氣盡漳江七十墳分香賣履復何云堂堂白帝傳遺詔天下英  
朱九江先生集

詩  
雄獨使君

道上吟贈陳千戶

亦知驛程苦頓頓策征鞍秋色關河莫灘聲水石寒風塵淹客  
易衣食累人難遙指西南道龍山路渺漫

至日懷族子廷光二首

日至繁陰積天涯舊雨多情廷吉尺心事魯陽戈宛宛凋殘  
景忽忽俯逝波行吟怨勞者風雪大江沲

及爾一揮手臨風空斷腸乾坤餘聚散身世閱蒼茫朔吹零孤  
館江聲碎夕陽愁心驚晚序連夜夢河梁

寒食

母背頑兒去回頭又七年隻身今異地寒食一凄然末學羈明



試勞人悔汗篇弟兄家薦酒曾否及重泉

思元一首

寸筋不控弦拳石不障川矧我思元子而能馭世緣性畸天不  
弔愁重酒無權誰爲滋丹棘忘憂耳目前

登雞冠鎮

雄拔雞冠鎮容光照四圍擘空青不斷鞭石楮橫飛厓後千峯  
伏春前一客歸異花開更早點點滴征衣

謝張十二

百妄紛紜不自艾須眉磊磊語誦誦古人不作吾安放世路將  
深骨已凡每苦儒風侵任俠久因騷雅惜彭咸多君遠惠長生  
訣哈糗羹藜勸老饑

朱九江先生集

詩

三

卷一

偶感爲蘇使君

吳儂載桃葉桃葉竟成歌一棹滄江去春風楊柳波路人驚欲  
絕君子意如何誰念空谷裏天寒牽女蘿

卽事

鵲唳亦已殘花落更如注餞春春不歸飛上刺桐樹

溯江

風梢夜冥冥浴波拾遠馨煙平山帖岸潮落水流星龍女張華  
蓋仙雲下翠輶招吾鳩鵲漢躡彼鳳皇翎

和曉崖先生次拾羊峽之作

江聲急斷猿行客曉投村潮湧神魚見風喧野馬奔洶洶天影  
溼黯黯石牀昏賞景行沽得懸囊五斗尊

夜泊東坡亭

槁葉颯如雨蕭蕭墜客舟雖無隔船笛已動四山秋古事文章  
淚長江日夜流還攜一瓢酒前渡上層樓

書趙歐北年譜

早向戎樞側足來海涵地負見天才男兒自有千秋業堪笑平  
生志大魁

微倖科名意氣紆然灰難認此模糊鳴狐篝火成何事總是人  
閒小丈夫

過先孺人墓

遙遙屈指恨重編滴滴酸心淚到泉不堪斷卉荒苔感又入嚴  
寒洿凍天亂蟋吟邊秋似夢慈烏聲裏雨如煙頭顱爾許人猶  
朱九江先生集 詩  
昔愴絕人閒二十年

四 卷一

江樓中秋夜同張十二

今夜西樓月離憂感慨多酒悲與詩興一夕滿關河我亦行吟  
者扶闌發浩歌翻飛問羈羽戢翼竟如何

十六夜復登忠良山

前十四日與馮四穎  
標登此時十一月

今宵仍作月圓看刷眼憑臨忽改觀百粵山河迷積氣萬家魂  
夢送狂瀾山靈可笑重來急人世無如獨立難絕頂峯頭拌作  
主年時原不懼高寒

石面團團凍欲冰最荒涼處倩誰爭窮溟雲重天無力哀壑風  
高月有聲揖鶴正思疇昔夜棲烏頻報短長更厓顛恨少梅花  
國留住行滕臥玉英



送馮四

海日落人面北風江上來慶君一卮酒明日故園梅勢飽飛帆  
利寒生大壑哀傾筐盈卷耳歸及酌金壘

題里甫先生所藏劍

王者今無戰杜神淵欲蛻形斂雲宵練白照眼血痕青忽漫三  
年別摩挲幾字銘頭顱重如許一夜鬢垂星

馮大卉蒼 集詩卷屬爲點定因繫以詩

嬾人減睡夜看月睡醒曉曉白生室天公爲我洗羞顏一霧漲  
霾三丈日是誰剝啄警尸寢發簡吟哦紛玉屑豪猛或餘螭蚘  
雜芳菲未許蘭蓀歇記識君才何日始泥飲吾廬得酒別醉客  
風交亂竹影詩人穀轉生蓮舌蛟龍出紙雷聲碎璜琥霏光玉  
朱九江先生集詩

五 卷一

花徹大巫壓已魂怳怳小別催人波洌洌錦章竟缺七襄報斗  
柄虛仍三載揭太息前塵春一夢豈謂國工肱九折我今臥病  
山海深倦眼昏花書卷撒白日終然怯牛鬥碧海何因歎鯨掣  
將無錯認馬識塗爲遭澄清魚有孽目不見目固其理心以印  
心更何說晏歲愆愆寒暑急霜風凜凜冬山嶮次君詩卷憶方  
山馮方山先生傳經堂集其族子侶笙明府屬余編校我亦門庭滿枯葉

張十二秀才前見投有白石詩詞姜仲友蒼生憂樂范希

文之句比者其配王夫人次云五常譽擅眉皆白兩社

功占手有文藻異龍鸞讀終愧仄將秦徐徽韻未沫於

茲卽勉誦四首

十載吟秋客狂歌倒接羅精神空滿腹混沌乃書眉豈謂潛夫



論題來幼婦碑山公原量勝底用隔屏窺

昭質靈均傲繫余猶未虧幾憐牛馬走終忍鳳皇飢舊下梅花  
拜人傳翳葉癡通材隨地愧持爾報心知

昔日移居約樵峯西復西名山千古事回首萬行嘯張適歸花  
僕梁鴻椎髻妻更無門內助詩卷待金龜

天上張公子杜靈如唱和來國風能好色吾意更憐才蔚跂金

閨彥鏗鏘玉鏡臺郵書應繼讀華露沆玫瑰

官洲渡望西樵阻潦晚泊龍津

含珠玉液未全灰倚櫂平瞻見日臺蒼嶂迴迴天影合黃流洶  
洶客愁來帆鈔沙鳥孤音上風破洲蘋萬葉開爵室鸞旂橫渡

晚凡今誰是濟川才

朱九江先生集

詩

六 卷一

詠西樵雙瀑詩

玉龍下碧霄盜飲樵西水銜山爲窟宅鬢鬢交角抵二龍表屨  
屨細者知凡幾踞水恣焚酣藉雲爲蒙恥散沫從風翔半月雨  
纏纏雲師不世情救雲上天咫尺東雲湧其脊西雲出其趾雲腳  
見垂胡雲頭有掉尾雲盡得蜿蜒山青暮煙紫龍怒作雷鳴三  
日聵人耳茲山本非奇奇以龍怪詭失雲龍不飛龍飛山亦死  
帝昔觴百神傳聞正於此龍也醉餘瀝嗜味遂無已至今千億  
年雷公呼不起我來暑雨後掙身絮雲裏狎龍龍性馴衙衙弄  
厥齒余詩解奇語龍亦通畫理示我水墨圖欲拓山作紙我試  
拈句答掀舞若色喜日中交易退譬趁官山市終焉此誅茅望  
衡講鄰誼名山亦細事蒼生方待爾且去天際行灑潤及千里



朱九江先生集卷一終

詩

再傳弟子校葉於讀書草堂

七

卷一



朱九江先生集卷二

詩

與李大鳴韶夜話有贈

名士貧來有宦情，聞諸先輩李黼平。吾道貧非士也，苦苦以無力振貧，故錦衣怒馬，僕曼胡君，昔視之不如奴。歎然欲起六月，息身落南蠻，心注北芭蕉，戰雨碎可憐。仍扈江離障，蘭蓀宏獎之風，近來少休文，休進彈蕉表。

同李梅遊葉家池上作

月色浴四郊，天水一氣警。坐令夜遊子，投身藐姑頂。呼吸人肺肝，照見冰玉影。坊鏗誰家石，名氏高蔚炳。百年如轉燭，薦及孫曾等。想見恤緯人，嚴節秋霜冷。厯厯葑塘皎，鬱鬱松煙暝。寒流瀉微茫，河漢相與永。何處人語喞，溪陰問漁艇。

朱九江先生集

詩

卷二

泊樓阻滄候潮

天風無定吹，昏晝錯南北。藉休勞者歌，庶遂歸哉客。微漸不濡軌，曲激愆挂席。夕宿勒樓潮，朝自珠江驛。旅夢墮芒屨，鄉音失咫尺。誤以赴壑蛇，例茲退風鷁。人語寂無寐，川光盪相射。迴颿晚淒緊，初曜早旁魄。撈幽起沈鱗，睇遠送歸翼。紛予豈無涯，悟彼各有適。嗜進少夷塗，往塞有安宅。冥心事元牝，跋胡謳赤舄。把酒還獨斟，共濟知衆力。與之虛委蛇，無爲感行役。

題關鴻遺橐二絕句

鴻邑武生

著弁能詩鎮，可憐短詞那厭舌。生蓮王郎錦段無消息，零落人閒已十年。



儒冠多誤豈吾欺君自言愁我賞詩何處哀鴻遺遠響碧雲日  
莫倚欄時

柏林寺

萬綠足涼色脩條生遠音道人日孤往對此遙山岑鐘磬有時  
響雜蟲無俗心欲參虎溪笑流水發清吟

絕句

空香人碧紗濃翠亞檐牙何處雙禽語一庭吹袖花

出門歎

壯士行何畏今朝獨泫然依人愁廡下爲客在春前老母皆漿  
淚臨門雪墮顛松楸指遊子霜露滿新阡

有感

講案先生此詩紀  
同部張逆之難

朱九江先生集

詩

二

卷二

王度無中外恩言有歲年一方苞檠挺六月羽書傳敢以烽爲  
戲須明國有權整疆光舊物不擬勒燕然  
驀地驚風鶴懸軍戰氣孤櫻城猶鎖鑰報國乃頭顱慘淡歸朱  
烏蒼黃叫白烏鬼雄應擊賊爲我激頑夫

宵旰酬天祖 皇心獨斷忙六師分將帥萬馬踏甘涼駝足傳  
烽急鴉兒引隊彊抱陰噓燭火爲語日堂堂

專闢三台老旄幢待策勳師儲九節度天落一將軍卵弱知能  
壓巢連未易焚韜鈴須努力 聖主日憂勤

百萬搜軍實糧儲責大農捐輸盡南海飛輓繼前鋒廩藏資先  
事安危在正供似聞司會議有藉世時雍

痛昔金雞詔天慈豈伏戎忍言猿鶴警莫恃馬牛風何日從羣

醜夫人怨狡童快心轅四境一示漢宮降

動我莎車鎮微聞勢不孤蠓蟪蟠塞險豺虎訖天誅 帝力乾  
坤正秋防士馬麤野心多反側長願控彫弧

贈黃處士

陳秀才文瑞數道  
其人故遙贈之

佳人類潛虬抱寶媚幽獨以彼影迹深閱此風波逐言高耿華  
皓破聞課花竹十日不敢關開關到耆宿世無鹿門龐得見此  
翁足佛鎮富生事轂轅舟連舳攘攘數錢刀擾擾爭燕蝠在衆  
彌見寡心骨無由俗想當汾江流孤浸方寸玉次也走熱人剔  
面塵一斛堪哂鄙嘉賓好聞隱車服卻似貴家屏一例畫茆屋  
慕君人目笑聞君吾耳熟得遂隱者便煙霄控黃鶴

李大

鳴韶過宿

朱九江先生集

詩

三

卷二

我本栖栖者逢君更不堪捫天窮舊夢罵鬼鑿空譚縹緲江皋  
珮淒清海岳庵同心有緣法莫怪味醞醞

重有感

雄劍鳴鞘夜有聲羽書馳報氣縱橫忍思敵壘遺巾幘誰挽天  
河洗甲兵都尉合摩頭曼陣將軍曾守亞夫營糜軀裹革忠良  
事願納靴刀答 聖明

籌軍轉饜日交馳犂穴捨渠計豈卑果有檻車收五厲何因輦  
帶重三甌負隅屢縱張牙勢射石終無飲羽奇振指又鄰寒食  
節令人目倦凱還時

羣公讜議意何如良肉奚堪復養疽未必摸金皆校尉可憐輸  
粟已尚書助軍幾見蕭丞相策變今無陸敬輿不是帑藏先侈



耗洪河流患十年餘

邊風朔雪古涼州關外徧徨定遠侯孽種可應憐馬角畜鳴何  
意累人頭颺天烈燄熊能起決地頽波橫橫流弱冠請纓男子  
志愁從鐙下看純鈞

登文瀾閣懷馮太學北行

郊行風物苦淒迷傷別傷春氣漸低愁上高樓望鄉國大江無  
際夕陽西

嶺梅昔別凍初含京柳今來影半毳蹤跡如雲春似夢可從江  
北望江南

賦得新松

越華講院陳蓮  
史師席上應教

分得蒼株煙雨濃滋培造化與同功著書歲月忘年對起蟄雲  
朱九江先生集

四 卷二

雷有日通御李漸吹寒謾謾補蘿休待蓋童童棟材未必千人  
見但聽風聲便不同

謝廷光見寄

一風三日吹倒山鬼驛驛名人家朝閉關歸鴻寄聲不到地長風  
送入懷袖閒故人知我狂落魄三歲黃楊閏當厄乞米虛投日  
下交賣文豈壯牀頭色童蒙遶案蠅鳴細老瓦打頭蝸寄窄吹  
來題翰眼忽明載讀詩篇舌尤咋上言念子貧無慘搔首欲問  
蒼蒼高下言窺天天有說聊疏前聞證一一是誰賣春長安道  
是誰逆旅遭啗喝九轉鑪鞬內景鉛五瑞琤琮卞和血先咷後  
笑稽古然揖我謂我相頽頽我聞此語三歎呼乾坤橐籥眞區  
區摩厲庸虛使才傑如扶窮袴追錢租將毋本初翦奄豎疑似



乃及無須奴芒芒宙合成今古豐瘠彭殤竟誰主七尺臨風私  
自憐寸丹照日知何補不如痛飲兼吟哦楚枯且勿爭么麼曠  
月西滔東逝波昨日漆髮今爲僑典袞合辦金叵羅曰歸吾及  
春風和招尋過汝山之阿江流春酒筆懸河蘧廬風雨酣高歌  
山長桂林夫子枉過

毋抱燕臺石周客誦其笏毋掘豫章劍天漢精乃亡咄此海隅  
士讀書自口黃忽漫二十年懷利儻未忘邦有必聞謗夫子更  
恢張命輿出顧我聲鳴殷宮牆載誦隆棟篇載望匡時良極辱  
齒牙惠恐違弓矢藏自我苦可貞觀物積始詳柔柯結根淺春  
陽噓使彊小子寸鐵朽大冶躍使剛請借華陰泥淬拭生寒光  
頃賦院中新松夫子極歎棟材未  
必千人見但聽風聲便不同之句  
朱九江先生集

鳴韶

詩

五

卷二

君子惠思我我亦怨離羣明月對眉宇流光持贈君何時采三  
秀歸臥西山雲七十二峯夜鸞簫天半聞

輓陳丈

顯鳳

積善不期報斯人我所思天心今冥漠吾道日磷緇家具猶爐  
鼎鄉鄰有涕洟未忘前志在繼守視元龜

九月十二夜遊東坡亭

北人乘馬如乘船南人控帆如控鞭煙帆迅瀉東風偏煙閉帆  
卸亭蒼然重揩病目攝衣起三歲不覿仍嬋娟自審插腳輒塵  
久勒移拌合來林泉山靈與余頗瓜葛謝過讖以新詩篇是時  
秋霽天宇圓地白人影行翩翩綫路采入石壇凍旁倚脫木枯



藤纏山魘夜出電瞥眼大魚人立弓鳴弦孤雲渡江鳥隨沒一  
九月下江吞天公跋晉卿煙嶂圖謂言此景常纏繇十載渴懷  
動眞宰一區位置荒江邊腦環萬山川照面中安尺宅乘梯田  
種魚村近可招手從公所好舟往便云何三宿牽率去至今鶴  
怨猿不眠老饕得嚼肉失吻想見十日流饑涎退之磨蝎公竊  
比豈識人阨非時愆卽如潮陽老太守勵嵩壓穎言徒堅古來  
宦海少樂土風波有險天無權瀕行俯仰重三歎何人眞叩花  
源仙

得陳大如琛越南書

驚回滄海夢有客駐征鑣將我故人意謂言行路遙林藏蛇瘴  
黑山帶虎風搖異域鷓聲到南雲願手招

朱九江先生集

詩

六

卷二

歲莫懷人詩

觀察陳桂林夫子

余馬首欲東東從夫子宦夫子南北人從之路渺漫近者見敕  
日持節監河干青天萬艘上清溜九月寒豈不實盤錯求職非  
求安旬宣古王官雅頌聲未闕太上百僚化守令羅荃蘭敘言  
逮夷面行部戢虎冠天無五運阨民有二父權其次補苴勤其  
次簿牘完大臣有心事廉退乃一端夫子相君肖祖硯傳未刊  
大東小東郡頌袞袞猶沈瀾泰山合膚寸終使宇內觀

夫子前  
守兗州

兵部何職方

文綺

萬物各就熱嗜進如梯階孰能遺我榮而以昶所懷陸生識止  
足疏傳東門街職方壯解官道勝非時乖方知君子心竝與未



世諸守冲滿杖屨在坦忘巖崖重抱說士癖恆恐翹秀蕤脫略  
臬比席慙勲鳥鳴啗南士知宗龍萬啜魚頭皆鄙人實穉巖三  
歲借高齋忘分託老輩展論饒新佳復原抱膝傲時與銜梧借  
巨晚還觀稼遲我秋水涯

中書孫舍人 別

前夕大火流今日朔風驚良時去如瞥歲晏心多營埋頭負郭  
居席門世所輕讀書况寡效章句苦無成出門首前路何以慰  
晨征長篁易汎馭孤掌難堙崩丈夫偃窮衙空抱魯連生我友  
湖海士橐劍連州城縱橫計不遂長揖辭公卿尺書昨報我戰  
苦仍徵兵

馮太學 炳文

朱九江先生集

詩

七

卷二

馮生古長者狐白無見美兼抱彊立性萬韝金不毀識我自章  
勸十載交若始君温我質伉君簡我辭哆郭生見叔度三日爲  
心死頃求仕與友攜病走千里金盡病亦失所獲良已侈頃當  
背面時素書兩情跂得書輒得夢夜夜渡煙水國人皆曰賢愛  
君好文理温潤玉界尺帖安烏皮几曹好徒爾爲君心甯數此  
金臺高不極髦俊高連軌北風胡馬鳴定有相思子

叔懿循先生

秋至瘦人知歲盡貧家病叔也苦節人窮老益天性七十抱一  
甕坐深鄉黨敬須眉出古異知慮資神應貌枯中不膏晶精雪  
相映雖比范叔寒允執顏含正析薪鮮克荷守硯庶或稱老棄  
短後衣窘藉長纒柄每憂藜羹糝食指矧蕃盛今秋穀不登衣



典餐屢併姝姝十餘口朝夕烏共命譬彼岡嶺松孤高風逾勁  
叔言子也才三試戰不競人言叔耆德善修家不慶上有滄浪  
天何時問幽篁

夜坐

欲語憑誰答身孤顧影頻城荒鴟弔月燈盡鼠欺人少壯虛殘  
夜關山况老親從來劉廣武起舞唱雞晨

白菘菜圖爲關丈家駿

秃筆蕭疏見一莖南蔬首汝亦公評益都李文藻肇慶食菘菜  
詩遷地弗能良猶足壓南

蔬催來霜信西風急寫入江村斜照明莫厭酸寒同歲莫可無  
豐歉問蒼生萬家供具今顛顛話到齋鹽有歎聲

答廷光

宋九江先生集 詩

八 卷二

琦也田閒一男子行能可笑平平耳十載名場縱身手十載名  
公與牙齒吹到浮聲浮厥實中夜捫心顙猶泚黃鐘毀棄瓦釜  
鳴人雖不言藉自恥惟對吾儕好議論浪謔古今車轉水有時  
發憤刺時乖不可於懷口輒哆苦奉方巾蓋圓頂雖有執持禪  
者幾朝悔其行莫已然不怕癡兒走折趾以茲失口思用晦深  
恐急進生瘡痂自從儒服溷有司蹭蹬至今歷一紀壁凡幾獻  
足幾剛敢似退之跛能履今君何事進鄙人鞭策罷牛逆風駛  
國家束帛旅窮巷耆峻當關賢會軌明明大樂奏雲門豈假瘠  
龔聽宮徵故人夙昔面京國千里逢迎多蔚跂馮太學炳文掉  
徐孝廉台英掉  
頭不應騎馬歸還愛朱雲在槐里頗怪數公負明眼非癖非阿  
竟何以多因秋士抱牢愁一見參軍合公喜只今南國困波臣



萬室瞽瞍憂食指雖屈計吏上貢日語及時艱我心死况復殷  
憂半海內邸報叢殘餘百紙尋君且得片晌樂中席言懷再三  
起書生賦命苦窮薄何力持危筮傾否君詩導我壯我行然而  
其效可睹矣

七月十四夜大堤上作

萬井蒼涼又告災憑高小立一懷開月華洞洞隨行策秋氣微  
微盪劫灰海上雲雷餘漲急日南民物采風哀豪吟巨壑笙鐘  
應恐有潛虬作和來

寢疾兼旬遠邇交親頻仍存造賦謝言懷有作三首

不寐盼燈花紛葩粲可數陵晨乾鵲噪喑喑響虛牖我生百不  
諧喜事除聚首日君晤我一見詫衰朽錯莫顏不怡欲語鉗

宋九江先生集

詩

九

卷二

在口豈無慰藉詞言然意終否昨者走鄉試驚進恥王後進必  
有所傷家人卦斯受茲理本非元吾其悔自取逝矢不忤言罷  
勉謝賢友頗學馬新息羞歿兒女手誓此已十年也應感高厚  
病夫如病鶴子俯梅花瘦病夫如病馬碑兀路旁猴鶴有修翎  
人馬有終惠廢病夫卧江沱危檻繫鷲獸牀頭釘藥裹牀後忙  
老幼燕笑無與適履綦誰復湊數月深閉門不出棄朋舊夫子  
獨何者誤比匍匐救策策風林根談言再三就千里有命駕矧  
赴子在疚罷驂對之泣矧於古人謬感激愧平生素交及邇近  
病人多遺忘掛一念萬漏齊物付眇芒山海月如畫

琴爨中郎歎衣故車騎尊可爲知者道難與俗子論里門二三  
士守素古處敦有此病不惡病則萃邱園吾友遠歸來重寄素



心言馮君汝棠到述

省垣諸子相訊鬱邑得不死以酒澄其源秋花既煜煜秋

樟復翻翻朝光有舒慢夜魄無遺垣酣歌百疾愈何況會高軒  
嶺海比艱食六載傷黎元糠粃苦未饜何處羅盤飧飽食消歲  
晚邑里多空村

和梁三江皋寫望

浦樹晚冥冥吟歌悄未停灘迴千里雪潮劃九江青物候添行  
卷情懷拾遠馨雲頭西望黑應檢種魚經

有憶二絕句

轉轉迴腸種種癡一思于役一低眉行人今在江湖上祝與東  
風恐未知

白佛柔應節節抽紫薇石竹門纖柔自從唱罷驪駒曲留得花

朱九江先生集

詩

十 卷二

枝在樹頭

越秀山憶諸子公車二首

花草越臺發遠遼引望勞夢隨燕月墮身與楚雲高南食千珠  
貴中天眾羽豪夷音須變轉為我唱靈璫

尺劍走中原報余江上村至今春日短苦恨病魂昏京洛真名  
在關河小吏尊經過有形勝馬上莫輕論徐生台英託抱卷去屬余伏枕缺為面別

儼屋

選姬在媚好不必列屋姝選室取秀野甯須九達衢斯堂隘容  
膝爽塏致有餘頗怪昌黎公絮誠城南符辛勤三十年有此屋  
渠渠我生逼三十倍是雪落鬚縱償愛虛願豈免他人愉譬如  
齒牙缺滴敲空庖廚儼屋獲所使鵲巢維鳩居一錢節羞囊十



東庾舊書主人況解事不催敗興租借衣非已有足矐七尺軀  
假館非終身穩占數月娛有徑疏疏樓有溪育育魚十頃玻瓈  
風灑面宿酒蘇夜聞菰蒲響月皎西窗孤恐有踏波人闖觀揚  
清曠起視萬家夢蟲語鏡在湖俯仰識無始萬象隨空虛沾沾  
我亦固天地原蘧廬

謝里甫山長作畫一卷爲十幀貽王謨文學屬次琦跋之  
小詩未有以應也甲午春杪文學索果前諾遂拈杜詩  
得非元圃裂無乃瀟湘翻二句爲韻題其端

雄觀失曩懷浩想創新得誰將九曲黃潑入徑尺墨  
陶公遂初服今是昨來非農丈偶然對飄飄風滿衣  
山中虛白室戶外蒼浪天跌坐幾何歲得參箇中元

朱九江先生集

詩

七

卷二

抱甕不言機丈人漢陰圃何如避世人一瓢棄高樹  
點樹如點雨截厓猶截鐵還圖入蜀詩石與厚地裂  
獵獵菰蔣外長天入虛無相將拾海月借我一幅蒲  
鏡湖與瀟湘清絕兩嘉乃龍伯爾何人吾將往觀海  
小米學媚嫵遜他顛芾驕崖風江雨裏一夜聽瀟瀟  
月黑聞山鬼蒼梧路短長湖秋波嫋嫋何處弔沈湘  
讀畫箝在口論詩舌瀾翻以詩想公畫應入不二門

夜過談太學

子粲

歸次作四絕句兼訂太學見枉小齋

蒲葵蕭緘苙衣香萬瓦扶檐滴露光大道如弦天似水追涼人  
走月中央

家家樓閣上簾鉤嶺外清華數廣州怪底遊人忙似鶯此邦風



景不宜秋

夜歸孤館八窗開露坐尋詩也費才一事告天煩乞與月圓仍  
放故人來

儻得城西畫舫齋前榮貯月後臨街好詩可似題吾屋荷葉遮  
門水浸階

寄廷光村居

村姑手爪輒纜絲新蛹香黃上饌宜更是擊鮮滋味好鱗魚賣  
趁苦瓜時

寄徐子台英都門兼簡馮六汝棠陳九信民

徐生魁壘衣短後學騎生馬京華走我病閉門失追送至今北  
望餘搔首我於天下論健者口不敢言心可數夏長盼斷吉語

朱九江先生集

詩

三

卷二

來火雲絕赫掩南斗屈指端陽又五日是日朔風驚戶牖忽捧  
題名一錯莫元猿欲哭蒼龍吼前年送君隨計吏卻斥辱金麾  
以肘舊年廡下豐依人脫略俗緣比芻狗今年四月讀君書塵  
勞遠謝同懷友首嗟辛苦胼無胼氣挾幽并肌奸黜次欲朝家  
借一官公等資裝儘予取君寄李鳴韶孟夔書有如劉季賀錢萬實不一  
錢持在手性命貧交萬里心使我失聲血幾歐吾儕賦命本窮  
薄有願到頭終不偶一第溷人信芒昧十年養氣從掀採古人  
自戰久則肥肯爲塵沙含淚垢知君抱才必有用清廟熒輝要  
疊直吏能官誠復所長咏掇姝姝宜敲穀雄心抖擻需再舉富  
貴逼人行已陔平生頗訝韓子隘欲草一經敵章綬可憐無益  
費精神後世揚雲書覆瓿丈夫趣舍自有時高爵得分圭可剖



不然尋我負郭田去去五湖宅三畝雲在青山水在瓶眼底煙  
雲我何有君今過夏餘懽賞識曲看花問宮柳壯遊豈改還山  
面豪談定約懸河口江介無風也易波壑舟有力誰能負苦士  
閩人終慘淡名場幾輩曾摧朽京雒緇塵自古嗟君有素衣無  
恙否翻憶中原攬控初合杳山川恣騰蹂今古興亡弔落暉河  
嶽英靈接梧酒所亡所得知略等比似故人仍汝厚故人宥散  
無處著六合蒼茫此駢拇近來近市求童蒙據按兩三鳴齟齬  
閒課清齋脩五卯豈有奇書探二酉名山渺莽詎容易里人自  
享千金帚側身天末再長謠豈似老馮及陳九

初九夜作

同明秀才  
炳麟出遊

到憐風柳太顛狂省識淮河舊日行怪得繫春還縮別柔絲如  
朱九江先生集

詩

三

卷二

汝十分長

春禽選樹原無主海燕隨波也有家輸與金閨吳學士東風無  
奈海棠花

消夏雜咏

長夏愔愔萬綠垂石欄點筆坐題詩蕉煙榴火尋常見最愛當  
階向日葵  
方牀七尺水周堂露葉風枝竹萬行恰好吟成人倦後半簾疏  
雨夢瀟湘

第一離枝薦綠醅猩丸落手溽懷開違心偏要爭盧橘博得蘇  
髯捧腹來

太古元都晝宵冥悄無人處碧壇扁退心譜入歸風操苾滿空



山石氣青

翳影蒿蓬素舊乖晚涼剛愛啟荆柴客邊好友天邊月一樣風  
吹到小齋

得月臺高冠廣州畫船簫瑯會中流華燈似海波如雪置我江

天百尺樓

臺在海  
珠寺

芑衣蒲筍妙年華約買承宣坊下花應爲香風回首立愁心吹

滿素馨斜

食春餅招關郭二生舍弟宗琦

使我身後名不如眼前酒平生省此語每爲一點首硬餅釘椀  
几大肉相聞之不爲佳日娛將隨韓子衰昔踏河南村麥風賺  
飢腹去飲村舍水水邊村酤熟至今良夜夢夢落河南醉春風

朱九江先生集

詩

十四

卷二

知我心吹得百錢墜我有耿介弟亦有賢友生勲心首文府劔  
膚含其英胡爲狎躑躅爭食苦不飽不如從我飲令汝顏色好  
白雲勸舉楮有鳥提壺聲何不從我飲坐對千花明東舍養芋  
魁西舍相追呼不來從我飲其不農子如名士畫餅耳可聽不  
可嚙何愛尺寸塗儻勝雞鳴宴

朱九江先生集卷三

詩

樂昌韓瀧祠

臺殿鎖君蒿縣湍萬仞高山有遷謫文字走波濤津吏留相  
語村沽飲不豪排雲闔闔遠天末首重搔

泊游絲

借火游絲汎維舟斤竹林瘴江千里黑邊角五更深歲盡仍傷  
別年荒欲廢吟稻梁謀食歎鴻雁爾猶音

歸渡大通津望廣州

昔別是何處飄然還此都水流殘夢遠身與斷雲孤山澤存麋  
鹿年時聽聽姑百錢攜杖得况近飲屠蘇

朱九江先生集

詩

一

卷三

答談太學

子粲

見詒四十五韻

慚君道我詩詩拙莫如我夢得長於論斯則我亦頗繫惟我朝  
傑二百年磊砢唐聲開國吹宋派中流簸求取於古人均稱析  
薪荷譬彼觀水術豈必寄一舸固揚滄海帆亦鼓瀟湘花譬讀  
種樹書菁莪歸摩揣旣護挈雲根詎棄簪瓶朶云何昵門戶遽  
分袒右左彼我相是非議論益叢脞何殊抱異姓呪使成螺贏  
又如哭佗墳勉強呼公爹此事元氣中無大無么麼時地異媿  
接哀樂各懽瘳或體閔以奄或羨小而糖罐或閭闔朝九賓絮  
青瑣愴或宮娃怨雨泣梨花彈句或鏗鯨鐘悄或叉魚火輓或  
游空絲勁或沒石竒匯之爲沈洋澄之得澹沲導之泉斯注鈴  
之鐵以裏肆恣百篇放斟酌一字安當其冥運時萬怪困跌坐



忽從天外飛下土闕塵探有殼率繩墨無羈勒韁鎖始焉踐跡  
合其後化身可赴敵數生死證佛百因果世俗是末師謬種流  
已夥竟使竈下姬塗抹詫嬌媚扇濁無餘清積微恐將墮念之  
軫我懷力薄愁無那安得光明絲蓋爾袒裼裸安得六驥足負  
兩山鼈跛先生天機富人老詩璨瑳以詩通諸畫落筆春嬾娜  
與我無盡談滑稽髡炙輮我今鍵戶牖萬事付懶惰庶幾便詩  
逋亦用避酒禍旬人餉稻米園官供果蘇惜乏耦耕儔世味終  
曳扠會當從君居接籬圍粉堞我歌君則聽勿用嘲飯顆土風  
闕荏萬人煙增懔懔高立萬松岡長嘯山月墮

述懷二首

出處各有尚詎云吾道非中素誠靡夷豈必知者希秦鞅三術

朱九江先生集

詩

二

卷三

鑽作法以自威沒沒鈞玉叟一日蒼鳥飛炙手有消息單寒甯  
人微筦以造化樞萬族聽指揮至竟誰主尸爲晦爲光輝龜策  
不告猶况以小智幾織士利速化通識重天機嚴嚴歲莫霜卉  
木淒已腓亮矣鴟夷子微君誰與歸

少小學堂日解道春華遲揭來十餘載去日忽如遺心跡兩歷  
歷回首空齋咨人生無百歲百歲將安施昔聞齊景君涕爲牛  
山滋貴游事刺促幾不徂年悲我今守貧賤僦室城西陲作苦  
分則爾日月若余私庶云就省曠亦美芳菲時被褐何足貴重  
以玉自怡滌蕩放情志穩居江河塵

宮保盧制府遣吏人徵寫拙詩述德聽情賦呈四律

儒術能經世曾欽盧尚書文孫千載後邁績八州餘轉粟蕭丞



相籌兵陸敬輿清時

南顧重好是護儲胥

公辨西域糧臺旋平楚匪趙金龍之

餘事論風雅襟懷冰雪清萬間開廈屋千卷饋侯鯖元老謀謨  
地諸生絃頌聲淵源從古數陶尉繼劉宏公已未會試出儀徵相國之門相繼督粵  
著作千秋事銷沈幾輩才因公憐鄭璞引我哭秦灰嶺嶠扶輿  
盡韓蘇風氣開登峯觀海意今古一徘徊

自信潛夫論難投光範門龍宮翻索寶馬磨遠稱尊古者酬知  
已從來勝感恩海王收萬派何脈出崑崙

泛舟至花埭

春人寒涉江春溜急淙淙海日樓臺靚村香花草降烏蠻殊有  
偶白鳥迴無雙令節宜歌曲聊聞橫遂腔

朱九江先生集

詩

三

卷三

寄舍弟宗琦

老坡於子由相長三歲強而我與吾子其年適與方始宿懷遠  
驛終領汝陰守至今餘苦語淒絕此懷舊子由剛且靜與子前  
寫真我亦如阿髯怒嬉搖吻唇師古有工拙子珠我鱗甲而况  
奉我謹直追曩賢及壬辰我失解耗耗秋風居於邑上子顏吾  
反爲子媿菊人覩子色疑是秋風客至子失意中反無此閑默  
爾來奇我作謂當於古求不計片葉迷翻云瓣香留握腕與子  
別言竭情靡斷譬如坐風檣三日尚神眩惜別恨情長憶別歎  
神昏子心知我懷我夢昧子魂我行中風走子居食蓼苦未逐  
宦遊人已失對牀語念茲反余素乃恐王路催急歸反風雨坡

穎一誤來



兵部何職方 文綺 坐聞熊鎮畿亡

功名不可爲齋志卽霜露行道有餘哀况彼相與素憐子有天  
性了了自童孺饑羸就舉選僕邁守章句文采雖不蜚紆徐學  
風度庶曰遐福徵取償在來暮職方今歐陽養士及貧涸二年  
立門下增益標良悟奇窮天所阨一病遂僵仆雪霰何蕭條郊  
原正寒沍遙想宿草阡風雲猶鬱怒與子昔周旋每以溼相响  
解手幾月日傷逝一號呼在耳窮鳥篇違心脫驂賻信疏我知  
過幹委爾何遠職方此池館百事未改故桂樹脩廊陰是子行  
歌處人自接餘光汝已長不寤何當訪舊廬悽薦向期賦長風  
知我心飛挂煙橋樹 煙橋村名

春旱答廷光

朱九江先生集

詩

四

卷二

乙未三月月將闕不見農事分秧尖書生賦命苦窮薄尚有餘  
痾關閭閻枯槁無聲斷匏棄漭澤出塊枯萍黏東屯西舍走流  
汗噉謀憐若親炮燔就中老農眼出血視天不語兩頰黔計絕  
波臣乞分潤願與旱魃同焚殲幾日天氣吁可怪陰陽錯互交  
攻砭寒飈夜入冰谷浴赫景晝躍崑岡炎禪袷春衣委重笥裘  
襪一卸求輕縑宵分小雨差強意油雲暮暮如複檐孰知响沫  
不救涸聊塞渴目裨毫纖惱公眞欲訟風伯何因卻歸驅飛廉  
起窺檐注星接雷屋角已挂三丈蟾時乎春及乃束手何日打  
稻聞腰鎌常雲無靈天聽遠繁露有法神功兼徙市暴厄古云  
虐須資長策詢謀僉或言龍嬾呼不起抱寶潭洞眠懨懨此君  
前春惡作劇發我廳事一角檐飛雹掠面過強弩陰風刻膚如



刺鍼兩年入秋不可說一霖十日連城淹人民流尸屋廬盡至  
今此地生葭菼錢塘暴猛信可畏與汝未有睚眦嫌年年况享  
牲玉報得毋負報馨香巖蓋愆補過幸今夕歡聲可鼓謫可箝  
羅羅哇嗟龜兆垢喁喁男婦魚口噉借汝唇吻尚有愛肯爲蒼  
赤櫻鉞銛學堂先生好心事預傷板屋憂釜鬻遂及其私亦真  
摯長篇遠寄言詹詹那覓五升太倉米徒摩三尺書廚籤饑腸  
君歎煮文字素髮我欲愁鏡匱憂端瀕洞一傾瀉幾時飯甕豐  
年占

丈人

草草送春了悠悠傷遠思精神優滿腹混沌怕書眉別闌常嘖  
夢窮工不到詩丈人心性好待我尚蘆綺

朱九江先生集

詩

五

卷三

赴李大孝廉

鳴韶

招飲百韻

樂事每不數愁來動彌旬忽如墮煙霧及此長日辰入室儼下  
帷起屢旋出門出門無所詣李生在城闔李生余汝同辛苦識  
字岷豈不欲汝見嘔我一寸肝道逢祈雨人風翩龍子旛四人  
昇明水披灑楊枝青泥龍水蜥蜴瑣細不一形熏熏煙已靈叩  
叩額欲墳道左頂觚蹠遠伏塵土昏人言一月來公私苦崩奔  
亦旣省刑壘亦旣疏渠阮元靈西樵禡白晝南城關都邑止屠  
殺鷺鴨羊魚豚祝詛引方外于嗟而吟呻天公眇何許七呼無  
時聞白日徒昭昭不照千唬痕難忍見此狀欲行還逡巡君適  
馳尺簡遙遞急足伴云有賣文貲可共消憂觥我屬采薪告夙  
夕始得行握手一太息同視蒼蒼冥遂壓今古愁遂遺半晌閒



遂酌酈湖酒勸我醉不醒熟知徑寸膠不辨黃河澄洽洽勺水  
潤甯救魚尾頰且盡知己杯酣歌聲吐吞誤及往年事一瀉不  
可扁壬辰冬之孟公車君有程我墊守鄉閭未得送離轅風波  
一失所反覆難具論憶惟世難初舍館於河清南海縣地名春時雨

陽若民訛無由興甘穎何舒舒條桑復英英驀報西潦至五月  
日在庚蔽江下浮枕雜以柴桷椽趣歸及中夜荷鍤先黥髡寐  
者呼使覺痿者走駢駢抗此一綫泥上與千濤爭崩波壓我面  
其勢如壞山枯立猶束柴逆受風雨寒滂浪兩晝夜泥髀未有  
乾降割方鞠凶洪口決李村嗟嗟十二戶地名盡室爲魚龜鯨吐

以鼃臙有水無涯跟比鄰聞號咷誰知其死生我家三百指乘  
屋如鴟蹲膳飲波面炊雞狗牆頭眠高漲更未已滅沒驚我顏

朱九江先生集

詩

六 卷三

昏黑扶老穉一一下破船室人莫涕泗我有好弟昆家明經澄湘兄弟

綠岡互房廬足以相援攀可憐非花工尾掉船頭橫千搖竝萬

兀寸寸強弓彎混漾涉中流上有星月明喜達賢主人舍我在

高閩色定見惟悴老親蹙額歎弱妻授我食執箸不下咽脫我

淖中衣易我犢鼻禪展視著股處血痕已朱殷憐惜不出口泣

睫淚漣漣搖手使勿聲吾母腸斷閒民生正摧挫我敢自求安

願以膚髮勤易此骨月完徹廬忍就棄旬日還巢櫓相守倏乏

價乞米來大城兩地百里強早夜心凌兢天平人何辜颺雨萬

竅鳴聒甚耳目眩勢恐元黃翻平地有頓撼豈况衝狂瀾覓信

走且僵然疑半不真側聞汎濫中地塌千山平心肝墮何所難

狀此際情聞君鍛羽歸乃及江海傾尺咫胥江驛惡遇風颺獵



詰朝亟拏舟里門泊牆端指目認久別入室笑語溫我亦得書  
反相對疑夢魂次第訊嫗族兼弔死問存略舉崩蹇流令我吐  
舌驚 天子今堯湯牧伯矧多仁請命叩閭闔借帑發倉困上  
有蠲緩詔悱惻泣 王言下有挹注澤濡煦勸老慳旬爾垂盡  
喘餽爾以斗升巡撫江甯公朱中丞 萬家頭上雲攜扶先守令  
併張遞薦紳至今服領南去思有餘恩旱魃又煽虐市地比棧  
焚低田委白草高田飛黃塵噬噬龜兆圻野赤百縣盈豈無近  
潮哇斥鹵齧其根居人呻無所闕視井已涸料知早禾闕米戶  
解索錢哀哀中澤鴻何處謀盤飧官家定正供里胥急如煎大  
福諒不再未敢邀痼瘵我少負郭畝君非扶耒耕編摩手口勞  
一飽羞儒冠艱食終見及况彼塗足民寤楸薦三載瘡痍互仍  
朱九江先生集 詩 七 卷三

因或言俗慮昔奢麗襍詐諛蓄戾爲應召水溼火熱然或云往  
必復五運有凋殘譬彼月盈魄終則隕其圓大造本芒昧孰能  
測幽元我願剖心血淋漓通天箋稽首東南風寄上一掬丹播  
穫趁時節首求遂冬春次求昶生理勿使壓溺顛尚歆郊祀心  
亦屬公孤卿爰暨百有位同德持鴻鈞三階正天衢作息還黎  
烝勿穆貴無爲無懷與大庭是時泥君飲一醉三千齡忼慨陳  
此辭吾將待輶軒

城市一首再寄廷光

城市多囂塵况逼城中豪南首望鄉國百里蒼雲高下有狎貧  
士苦吟時和陶米貴不果腹羣雛日罄罄種瓜犂确場引蔓如  
抽繖冒熟立草土剖此二寸毛黃萎豈汝意不見時雨膏近屬



良婦病日夜井臼操突冷酸不然虛壁風騷駭驚波無定鱗華  
幕有覆巢世難未獲已願汝親憂勞客遊久不樂虞奪風翻濤  
聞聲略一概豈况日所遭我欲如漫郎江湖刺長篙投老就魚  
麥勝處求其曹和子孤雲詩酌我千日醪

寄蔡瑄文學士司往蔡以鄉闈報罷西行不通耗兩寒暑  
矣客有適粵西者宛轉寄之

雁飛曾不到君子乃游遨况復歲華落猶聞歸興遙夜深人鮓  
泣月出虎偃驕海雪風騷首魂羈何處招

寶華坊退思別廨早起有述

浪士不舜臆五更起孳孳起踏荒雞音落日牆頭窺三丈楊柳  
風下捎櫻欄枝櫻欄葉窸窸碧暈侵衣肥此莊腹數家其外垣

朱九江先生集

詩

八

卷二

四圍我舍位厥中屈戌鋪玻璃照見幾家門空梁月篩篩流雲  
送殘夢得知所夢誰斷角聲栗膠或夢征人歸甯識曉行驛瘦  
馬衝煙馳據鞍亦得夢夢中仍別離恫怛鄉井是曹騰門巷非  
是時兩情悽吁惟明月知勞生故多慨局促塵者轍道塗委容  
華千願同一違咄哉端居客拊髀空爾爲

夏日卽事

西原宜落日此亦夕陽亭海雨魚龍氣蠻雲鳥獸形泉新流瀟  
瀟花遠去冥冥可有幽芳閱時聞月裏馨

夜雨昏黃裏濃陰聚井梧電知淫潦長星帶草堂孤吠蛤謹牆  
角流螢到座隅統統誰鼓杳踈旦偶聞呼

皮書好連屋日日鑽魚蟬略展龍威秘如聽鮫客談茶煙蓬葉



底視席水花南倦讀眠指卷新涼我正耽

小住良無悶長貧祇益詩斯文騷選後此事鬼神知不病容關  
病多師是汝師皇琴羣聽瑩裂遂試雲吹

半塘晚步

晚食散餘步風物靄將夕過雨流潦多隨意曳幽屐松涼望不  
到爽氣生兩腋漸漸野水喧回回市塵隔孤煙接空暝一鳥入  
雲白泥濘窘前賞攜坐村口石遠見歸墟人忙色上面額軫彼  
衣食勞益我山澤適蒲樹鬱其蒙昏鴉嘒磔磔半塘蛩人家相  
呼看雞柵詠歸歸路微晦月未返魄何來一笛吟蕭寥長天碧  
諸子同遊荔支灣作歌

五年不遊唐荔園聞道池館增沙墩江山如此坐懶惰一榻兀

朱九江先生集

詩

九

卷三

作蹲鴟蹲有客啟我荔火然饒興忽涌不可捫投袂未起覺神  
注如渴馬脫銜而奔拉襪素心四三輩白鷺潭左波濤掀板橋  
三折入流水帶以十頃荷風暄照眼戎戎春雲熱落腕的的涼  
珠翻色香味盡三百顆恐一顆一妃子魂婪酣不飽亦得醉高  
枝恨少穿林後軒窗盤迴俯明鏡畫舸登頓寒花旛景蘇何人  
園數椽白日乃閉閤者闕那無題詩朝屋壁且可拄杖搗衡門  
門前行迹如流雲花天酒地來軒軒前榮已棲比翼鳥後從又  
擁攢頭黿驚鴻照波珮玉儺翠匊珠玳何繙繙甯識浣紗越溪  
裏天寒日暮愁煩冤人情自私愛所愛譬寶鄭璞珍紀獻卽如  
荔子秀遐裔俊物自比江鱸尊君謨譜之始興賦強立疆界編  
籬藩閩人袒閩粵袒粵莊周齊物難平反何如當場取發興事



有附麗皆情根江山與我作賓主簫管且侑開壘尊眼前行取

萬里別李大鳴韶將以秋盡計偕馮四炳新再就順天鄉試此日可惜須臾瞰西蟾東烏

莽奔屬南鴻北燕分伏鷩後頭待得水歸壑覽鬢髮恐笑非僧髡

林神川后亦領首是何作達爲此言歸風持贈回橋邊處齋落

日傾金盆酒醒前塵杳何處浩浩煙空吹夢痕

### 客中雜憶詩

廣場五情悅隻坐百慮縣客去掩我關忽已弦望遷精爽戰哀

樂迅入中年先中年亦已逼舊物長一甌貴誠不如賤向聞向

子平織絢與緯蕭作達取自然先世有遺志敢以家食傳北堂

况頽暮急雪墮其顛秋秋桂花落盼盡西風天存者能幾時逝

者永黃泉突梯古有戒捧檄世亦賢審知出處誼固以父母年

朱九江先生集

詩

十

卷三

壯且不如人此後空可憐損益聖師訓三歎推遺編

二月魚兒粟三月魚兒秧四月魚兒星五月魚背蒼六月魚拍

頭欲競人指長我里下澤稅蘭箔參漁榔歲歲牧人夢家家鷗

機忘舍弟苦士最棄俗如蛙蜩甯讀種魚經不入騎馬場有得

閒稱詩月計無幾章未知古獨行肩列誰輩行阿兄走塵土處

處持虛篋名翼或拚飛增口隨譎傷膏火同烹煎輸汝雲水鄉

所槐拙生理家具遺汝將往憂黎羹糝兼餼親串糧罷此百石

陂難可千費當將毋苦將茶病矣嗟子桑君子道固窮金石振

歌商近况諒有述側伻雁翅翔

友朋豈不好燕笑時易闕李生鳴韶總角舊有文炳龍鷲十年

耐離合今年攜手歡旬日必過我一過三日彈問君何數數將



著遠遊冠勿惜相對頻預償見面難對面了無語終勝千書看  
亦知十月交君踏北雪鞍此後明月輪兩人頭上圓亦或風雨  
聲兩孤心頭酸君貧那棲遲我去愁嬾嬾人靈非鹿豕胡得一  
處完匪不達茲理數子我所安徐生台英近失第寄食燕雲端  
馮子炳新病早眼難坐更鼓殘忽忽獨寤歌附吾於考槃吾其  
汎滄浪料理秋風竿

作客不還鄉藪蔓傷獨處不還居者痲南目亦愁予將雛苦無  
成晨夜改寒暑晨興視老姑夜擁鍼神炬汝得堂上憐頗謂婦  
職舉無以恩私故恐違長少序吁嗟百里闊日月墮深阻遠注  
黯秋蛩孤心怯墜鼠是汝所生性弱小易愁緒尚想吟中閨教  
汝歌白紵一字厄推敲每及寒雞語勸我惜宵分禁我嘔心膈  
朱九江先生集詩 七 卷三

至今吾眼中見汝顏色楚以知此夜腸迴轉若機杼機冷無盡  
聲碧雲眇何許投杼望明河盈盈見牛女

奴星不偶命阿嬌爾卽冤皆坐我窮薄速爾入鬼門自爾叩我  
堂去冬除夕昏豈直糞除潔兼惟行步奔我家咸玉之道其黠  
且敦平生江海人行笈暨朋樽爾伺醉人色解領中酒言文句  
雖不通亦能亂書繡求取百順遂至竟成我尊卽茲誤爾呼恐  
有欲出魂前榮移鐵樹其樹今已孫樹孫爾則槁爪痕皆淚痕  
替人旣大謬事事思爾存虛無主人惠慘怛嫠母恩母恩委如  
遺王鬻那復論小物觀大化牢落容乾坤

古者士未遇名公首識拔惟其心鏡精是以譽之絕君看一部  
史此類幾人物奈何庸虛子老輩多項說隆隆獸殿材未合貢



株椽輝輝鴻飛袞獨蛹云胡綴高下各在心詎謂嘲目睫夙昔  
千卷度往往欠終帙息影匙交遊未盡當時傑浩浩江湖深悠  
悠歲月瞥小生顙有泚羣公眼如月茆齋階基秀有鸛片影雪  
青冥得蹭蹬仍濯寒泉泐爾豈愛羽毛恐孤識者悅相鳥猶若  
斯踟躕至明發

太平門門卒行

太平門下人儼儼太平門者耆且髯右髯垂乳左禿頷其禿貫  
腦煙煤黔頻年過翁口頻咤翁始囁嚅漸傾瀉一生成事畢秋  
風卅載行藏引宵話自言少小血氣頑射生擊劍無不嫻從軍  
遂隸鴉兒籍簡卒時拔騶虞幡一朝烽火辰州路王旅禪焯阻  
淫霧驚心設砮蠻雲高附翼難飛楚天去奴僕功勳樹莫由由  
朱九江先生集 詩  
來石堡要人收入穴仲升期取虎乘城穎叔奮持螯五更毳垣  
響虜葉雲如車輪月如漆縛韉從我十猛士綠上梯衝過猱疾  
礮牀似有呼紅衣警慘腥風九人灰我驚拊頸頭故在始聞落  
面轟崩雷趁煙直斫守陣首迴向吾軍亂招手大師壓入猶壞  
山竟使壺頭返吾有此時顛面櫻瘡痍此時勇氣千人知共懾  
河西白袍將那誇鄴下黃須兒事平守戍梅銷廟掌管北門尚  
年少峩冠孔翠一翎風仕版象屯三品料無端洋擘橫蛟島海  
氛甚惡稽天討祇應祈父爪牙非肯信健兒身手好上書欲効  
前鋒塵羣兒謠誅成吹毛始知宦海風波險勝似沙場矢石交  
從此失官編士伍衣食蕭條一環堵抱關擊柝寄餘生七十龍  
鍾仍作苦話到淒涼言斷續言不成聲聲欲哭解衫示我舊戰



痕創癩覺體斑鱗，  
旃旆褫衣唐鄂國。  
激昂束髮漢將軍，  
我始悲翁爲翁惜。  
旋睨凶門意還釋，  
幾得通侯印繫肘。  
已歎征夫尸裏革翁，  
今頭白有孫扶眼。  
看儕輩多郊墟禍，  
福難知同塞馬英雄。  
老去有湖驢，  
勸翁往恨休回首。  
與汝作歌傳不朽，  
弔客青蠅此日來。  
冠軍金爵他生受，  
愧我清才愧杜陵。  
難將文字繼丹青，  
瀕行徒訂監門約。  
弊衣吾亦老侯嬴。

蝗蟲歎

一年決堤砦齧糠，  
乘屋居一年內河漲。  
水宿糠乾無今春，  
亢暘達夏節行人泥沙滿。  
脣舌拜乞天公雲，  
腳雨難過農夫眼中血。  
低田十不三四收，  
高田草土枯成鐵。  
得雨遙遙盼晚禾，  
命短心長五中熱。  
從來蝗旱定相資，  
斯語吾聞老坡說。  
果然黑雲西北朱九江先生集

詩

三

卷二

來青茭無芒木無葉，  
海邦稀疏見此物。  
相呼鐵螭驚蹙躡，  
上游走檄急坑捕。  
縣官奔踰力空竭，  
嗟嗟造物豈不仁。  
薦至鞠凶坐誰闕，  
去冬冬盡除夕看。  
眼見鄰里愁口糧，  
衣裝典盡到家具。  
持匱挽犢相扶將，  
市門擠積無人望。  
日莫歸來涕相向，  
村墟寂歷煙火微。  
餞歲不聞爆竹颺，  
回首仁皇晚季時。  
不在人間在天

上嗚呼二十四年游食人三年投足皆荆榛何况懸耒閉門相對貧

乙未閏六月初一日夜記夢

天風抱瓊臺，  
盪作江海聲。  
手拓西北窗，  
水遠天崢嶸。  
階磯石璀璨浩與鏡，  
面平明月自出入。  
雲扉長不扃，  
起蹙冰絲絃坐鼓一  
再行得非飛龍引，  
雜以寒雁鳴。  
聲希月流素，  
梅朵霏英英。嗅梅



得馨逸有語無聲麈絮者何人斯忽與予目成斧冰持作糜飲  
我碧一泓戰吻吐復嚙肝肺餘孤清長揖絮者言忍寒我則能  
鄭玉樞藏邊壽民畫四首

水鶴

似聞折葦聲沙水靜晶晶飛墮一點明青叢窺己了潮落月黃  
昏煙漫江白曉縱少漁篷過得食何微渺忍飢西復東不見杜  
陵老

蠓

昔者王文簡堂皇治爰書書有蠓蠓名觸公饒涎濡遽言津門  
秋今年足團臍僚屬皆胡盧饕悟眞起予儻遭老邊畫豈籍逢  
麴車

朱九江先生集

詩

七

卷二

野馬

野馬棄廣漠日莫散不收主恩亮云薄得毋汝愆尤龍姿自矜  
寵嘶鬻鞦韆柔蹊跌苟害羣不如服箱牛慎矣當門枝勸哉駛  
風舟

蜺鳴

蜺鳴原家鳧厥名能自呼放逐羶腥久本性因模糊豈惟忘爾  
名兼樂趨潢汗江湖有稻梁飲啄未云迂落日肯回首久立呼  
歸奴

和錢給事

儀吉

登鎮海樓之作

積雨彌半月臥榻寒生苦坐使羈旅人履綦旬日乖晴雲吹笑  
聲忽落山城隈公也備九能健可賦強臺枝擲出深竅遂栗層



層階檐危鐵鳳翔漏盡銅龍催獨立浩茫茫用側曠土懷越岡  
互脩蛇綿絡鷺潭栝肆江白一髮飛舞城面來日月鼇背行東  
西墮塵埃人事何攘攘日夜聲殷雷番禹古都會蕃貨稱奇瑰  
闐闐咽歌吹組練曜輿儻腴壤帶千里下與滄溟開五管茲大  
府俯仰增紆徊民氣比少隘辛苦告汗萊古者堯湯年罷人不  
言災實仁春陽惠嘉聲流海涯遺愛石可顯表廉珠可回憑高  
集遐唱勘難思雄才一翻變徵聲和入天風哀

花埭翠林園諸勝

綠樹朱欄碧瓦溝菊英葵燒坐中浮何因地主逢迎美比似星  
軺警歎留園中楹帖多諸當道往來手蹟舊曲蒼涼花月夜新波搖盪海天秋

素馨斜外斜陽遠未許羈人一散愁

朱九江先生集

詩

五

卷三

河南張氏園亭贈勞翬

塵囂里門外夫子自名家水遠雲常態秋深月正華敲鏗聞折  
竹窈窕見幽花間字揚雄酒侯生何處賒

三山道中

歸鴉點江光寒聲散遙野輕漪溶溶嫋側景亭亭下柴扉八九  
家積稿高隱瓦下帶獨木橋瘦樹不盈把略辨松與杉落影江  
面寫秋原自晚晚風日正瀟灑帆檣信波折勢飽舟如馬苦逐  
眾人行年年去里社江山豈不懷貪嗔勝情寡故居有茅蓬物  
役胡爲者

過關

一士場

兄弟晚食兼簡張梅二生

孤往亦有適冬心翻浩然峯嵐低入夜海雨急成煙交道狗屠



重詩聲鳳珠圓拌將二二三子泥醉燭花筵

桃源里訪關二書齋卽同登正覺寺後山

栖栖欲何爲坐闕佳日適意行無深阻庶遠物能逼澗岡陰  
窈窕阡陌古開墟枯槎寒未黃妥竹沚猶滴颼颼答風泉潭潭轉  
雲壁之子荃蕙芬洵美花源宅林塘得幽引農畝寡塵色水車  
哀絃鳴山吹候蟲寂枝格曖窠岑靡蕪緣咫尺層宮眇煙閣綫  
路入雲直觀魚識淵沈羨鳥泝空厯谷聲豈虛傳井渫嗟不食  
大堤人正應流水穀以擊去住紛有懷推遷日何極終當挹希  
夷移家適三益

典衣四絕句

典衣原不損丰裁簞篋筠籠取次開我喜他家收拾好未因金  
朱九江先生集

詩

共

卷三

盡降顏來

思量雜珮拋何所約略陳書失已多到底敝裘能戀主歲寒時  
節祇饒他

別久相逢意倍憐記從何處話前緣春衣與我同飄蕩南北東  
西寄歲年

緜袍贖得當金貂恰是梧觴不寂寥袖底雨花襟上酒可能留  
到上元宵

守歲與閨人夜話二首

漸漸衣棱凍娟娟鬢影深鏡匱今共命燈火此愁心萬態趨殘  
夜孤思殿苦吟高懷吾愧汝卒歲恥言金

宋眞山民詩貴  
無可買恥言金

近恙亦良已遐憂方缺然與卿俱省恨明歲入中年事往疑尋



夢親衰每禱天翻憐株守好詒笑展春筵

朱九江先生集

詩

七

卷二

朱九江先生集卷二終

再傳弟子校葉於讀書草堂



